

WILLIAMS, JOHN (1754 - 1828), clericwr Methodistiaidd

Enw: John Williams
Dyddiad geni: 1754
Dyddiad marw: 1828
Rhiant: Mary Williams (née Francis)
Rhiant: William Williams
Rhyw: Gwryw
Galwedigaeth: clericwr Methodistiaidd
Maes gweithgaredd: Crefydd
Awdur: Gomer Morgan Roberts

Ganwyd 23 Mai 1754, ail fab [Williams, Williams](#), Pantycelyn. Addysgwyd ef yng Nghoed-cochion, ysgol ramadeg Caerfyrddin, ac Ystrad Meurig. Ordeiniwyd ef yn ddiakon yn 1779, ac yn offeiriad yn 1780. Bu'n gurad yn Llanfynydd ac yn Llanfair-ym-Muellt. Aeth i gadw ysgol yn Llangrallo, Sir Forgannwg, yn 1781, ar gais [D. Jones](#), Llan-gan. Tua'r un adeg ymunodd â'r Methodistiaid. Aeth yn athro i athrofa'r arglwyddes Huntingdon yn Nhrefeca, yn 1784, a bu'n brifathro yno o 1786 i 1791. Bu'n gefn i Fethodistiaid Brycheiniog, a chymerth ran ordeiniad cyntaf y Methodistiaid yn 1811. Golygodd argraffiad newydd o emynau dad, *Gwaith Prydyddawl ... W. Williams* (Caerfyrddin, 1811), ac ef a drosodd emyn Saesneg ei dad, ' O'er the gloomy hills of darkness ', yn Gymraeg. Cyhoeddodd ei drosiad o lyfr William Jones (Nayland), *Yr Athrawiaeth Gatholig o Drindod* (Trefeca), yn 1794. Bu farw ym Mhantycelyn 5 Mehefin 1828, a'i gladdu gyda'i dad yn Llanfair-ar-y-bryn.

Awdur

Y Parchedig Gomer Morgan Roberts, (1904 - 1993)

Ffynonellau

Lleud yr Oes sef, amgueddfa fisol o wybodaeth mewn crefydd, moes, athroniaeth a hanes (Abertawe 1827-1830), 1828, 543

M. Davies, *Coffadwriaeth, neu hanes byr o fywyd a marwolaeth y Parchedig John Williams ... At yr hyn y chwanegwyd rhai pigion o'i lythyrau, ac amryw o'i hoff ddywediadau* (Pont-y-Pwl 1830), 1830

J. Morgan Jones a W. Morgan, *Y Tadau Methodistiaidd (1895-1897)*, ii, 145-56

G. M. Roberts, *Y Pêr Ganiedydd [Pantycelyn]. Cyfrol 1 Trem ar ei fywyd; Cyfrol 2: Arweiniad i'w waith* (Aberystwyth 1949, 1958), 104-6

Dolenni Ychwanegol

Wikidata: [Q20821437](#)

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Ewch i'n [tudalen codi arian](#) am ragor o wybodaeth.